

Član 5.

(Dionice i dividende)

Vrijednost dobivenih dionica i dividendi utvrđuje se na način i u uvjetima redovnog berzanskog poslovanja.

Član 6.

(Kamate)

Kamate po osnovu oročenja novčanih sredstava dobivenih saglasno Sporazumu u domaćim i inozemnim bankama predstavljaju novčana sredstva koja zajedno s glavnicom čine dio ukupne mase sredstava dobivenih po osnovu Sporazuma o sukcesiji.

Član 7.

(Vrijeme i uslovi prodaje)

Vijeće ministara će na preporuku Ministarstva finansija i trezora po potrebi odlučiti o najpovoljnijem vremenu i uslovima prodaje.

Član 8.

(Raspored finansijskih sredstava)

Sva finansijska sredstava koja Bosna i Hercegovina dobije po osnovu Aneksa "C" Sporazuma bit će raspodijeljena prema sljedećim stopama:

- a. Bosna i Hercegovina - 10%;
- b. Federacija Bosna i Hercegovina - 58%;
- c. Republika Srpska - 29%; i
- d. Brčko Distrikt Bosne i Hercegovine - 3%.

Prema instrukciji koju donese Ministarstvo finansija i trezora Bosne i Hercegovine, finansijska sredstva dobivena prema Sporazumu raspoređuju se u skladu sa stopama propisanim u stavu 1. ovog člana.

Član 9.

(Namjena finansijskih sredstava)

Finansijska sredstava dobivena po osnovu Sporazuma namijenjena za potrebe institucija Bosne i Hercegovine koristit će se, između ostalog, za izmirenje obaveza koje proizilaze iz Aneksa "C" Sporazuma, kao i u druge svrhe za koje Vijeće ministara Bosne i Hercegovine doneše odluku.

Entiteti i Brčko Distrikt Bosne i Hercegovine koristit će finansijska sredstva dobivena u skladu s ovim Zakonom, za izmirenje obaveza koje proizilaze iz Aneksa "C" Sporazuma, kao i za izmirenje obaveza po osnovu računa stare devizne štednje u skladu s važećim zakonom, te u druge svrhe za koje mjerodavne vlasti donesu odluke.

Član 10.

(Rasporedena sredstva)

Poravnanje i prijenos sredstava prethodno već raspoređenih u skladu s *Odlukom o privremenoj raspodjeli dijela imovine Bosne i Hercegovine dobivene po Sporazumu o pitanjima sukcesije* ("Službeni glasnik BiH", br. 34/09), prema kojoj je iznos od 170.892.841,07 KM raspoređen na Federaciju Bosne i Hercegovine i Republiku Srpsku, izvršit će se vraćanjem tih sredstava na raspolaganje institucijama Bosne i Hercegovine i Brčko Distrikta Bosne i Hercegovine u pripadajućim iznosima, a saglasno odgovarajućim stopama propisanim u članu 8. ovog Zakona.

Prema prethodno pomenutoj Odluci, 111.080.346,70 KM bilo je dato na raspolaganje Federaciji Bosne i Hercegovine, a 59.812.494,37 KM bilo je dato na raspolaganje Republići Srpskoj. U skladu s konačnim stopama raspodjele propisanim u članu 8. ovog Zakona, Federacija Bosne i Hercegovine je dobila 11.962.498,88 KM više nego što joj prema utvrđenom udjelu pripada, dok je Republika Srpska dobila 10.253.570,46 KM više nego što joj prema utvrđenom udjelu pripada.

Povrat viškova sredstava koje su dobili Federacija Bosne i Hercegovine i Republika Srpska u skladu s ovim članom, te poravnanje konačne raspodjele finansijskih sredstava na ime institucija Bosne i Hercegovine i Brčko Distrikta Bosne i Hercegovine utvrđenih u članu 8., realizirat će se putem tekućih

prihoda u okviru Jedinstvenog računa Uprave za indirektno oporezivanje, i to na sljedeći način:

- a. 17.089.284,11 KM će se preraspodijeliti na institucije Bosne i Hercegovine;
- b. 5.126.785,23 KM će se preraspodijeliti na institucije Brčko Distrikta Bosne i Hercegovine.

Centralna banka Bosne i Hercegovine će rasporediti i prenijeti sva preostala finansijska sredstva utvrđena *Odlukom o privremenoj raspodjeli dijela imovine Bosne i Hercegovine dobivene po Sporazumu o pitanjima sukcesije* na institucije Bosne i Hercegovine, Federacije Bosne i Hercegovine, Republike Srpske i Brčko Distrikta Bosne i Hercegovine, prema stopama propisanim u članu 8. ovog Zakona.

Član 11.

(Dinamika realizacije poravnjanja)

Iznosi dugovanja na strani Federacije Bosne i Hercegovine i Republike Srpske, kako je utvrđeno u članu 10. ovog Zakona, odbijat će se s Jedinstvenog računa Uprave za indirektno oporezivanje koji pripada entitetima i doznačavat će se svakodnevno u periodu između 1. januara 2010. godine i 31. marta 2010. godine na račune institucija Bosne i Hercegovine i Brčko Distrikta Bosne i Hercegovine.

Direktor Uprave za indirektno oporezivanje bit će odgovoran za realizaciju poravnjanja kako je utvrđeno odredbama članova 10. i 11.

Član 12.

(Stupanje na snagu)

Ovaj Zakon stupa na snagu odmah i odmah se objavljuje u "Službenom glasniku BiH".

417

Koristeći se ovlastima koje su visokom predstavniku dane članom V Aneksa 10 (Sporazum o civilnoj provedbi Mirovnog ugovora) Općeg okvirnog sporazuma za mir u Bosni i Hercegovini (u daljnjem tekstu: Opći okvirni sporazum za mir), prema kojem je visoki predstavnik konačni autoritet za tumačenje navedenog Sporazuma o civilnoj provedbi Mirovnog ugovora, i članom II 1. (d) prethodno navedenog Sporazuma, koji od visokog predstavnika zahtijeva da olakša rješavanje bilo kojih poteškoća koje se pojave u svezi s civilnom provedbom Općeg okvirnog sporazuma za mir u Bosni i Hercegovini;

Pozivajući se na stavak XI.2 Zaključaka Konferencije za provedbu mira održane u Bonu 9. i 10. prosinca 1997. godine, u kojem je Vijeće za provedbu mira pozdravilo nakanu visokog predstavnika da uporabi svoj konačni autoritet u zemlji u svezi s tumačenjem Sporazuma o provedbi civilnog dijela Mirovnog ugovora, kako bi pomogao u iznalaženju rješenja za probleme sukladno gore navedenom, "donošenjem obvezujućih odluka, kada to ocijeni neophodnim", o određenim pitanjima, uključujući i (prema točki (c) stavka XI.2) "mjere kojima se osigurava provedba Mirovnog sporazuma na cijelom teritoriju Bosne i Hercegovine i njezinih entiteta";

Imajući u vidu da je Upravni odbor Vijeća za provedbu mira, u svom komunikatu donesenom na zasjedanju održanom u Sarajevu 24.-25. lipnja 2008. godine, izjavio da izjave i postupke kojima se podriva država ili se pak traži povlačenje iz reformi neće tolerirati Upravni odbor Vijeća za provedbu mira i visoki predstavnik i da se shodno tome na njih može na odgovarajući način reagirati, te da će takve postupke i izjave razmotriti Upravni odbor Vijeća za provedbu mira prilikom ocjenjivanja stanja;

Priječajući se izjave ambasadora Upravnog odbora Vijeća za provedbu mira dane 12. listopada 2008. godine u svezi s Zaključkom koji je donijela Vlada Republike Srpske da se započe s procesom povlačenja suglasnosti na Zakon o prijenosu, regulatoru i operatoru sustava električne energije u Bosni i Hercegovini i otkazivanja Sporazuma o kompaniji za prijenos i nezavisnom operateru sustava između entitetskih premijera u Bosni i Hercegovini, kojom su podsjetili Vladi Republike Srpske na jasan stav koji je utvrdio Upravni odbor

Vijeća za provedbu mira u svojoj Deklaraciji od 31. listopada 2007. godine u svezi s mogućim jednostranim postupanjem entiteta ovakve naravi, pri čemu je konstatirao da "Upravni odbor Vijeća za provedbu mira isto tako ponovno naglašava svoju zabrinutost glede prijedloga da bi odredene reforme mogle biti jednostrano opozvane odlukama entiteta kojim bi se vratile nadležnosti prethodno prenesene na državu. Entitet se ne može jednostrano povući iz prethodno dogovorene reforme";

Konstatirajući da je Upravni odbor Vijeća za provedbu mira, u svom komuniketu sa sastanka održanog u Sarajevu 30. lipnja 2009. godine, konstatirao da zabrinutošću da je poslovanje Elektroprijenos BiH ozbiljno ugroženo uslijed stalnog bojkotiranja od strane organa vlasti Republike Srpske usmjerenog protiv Upravnog odbora i zatražio od Vlade Republike Srpske da se odmah i konstruktivno ponovno angažira u kompaniji te doprinese njenom nesmetanom funkcioniraju, sukladno preuzetim obvezama od 6. studenog 2008. godine i 3. prosinca 2008. godine;

Svjestan značaja Elektroprijenos BiH i njegovog poslovanja koje je od javnog interesa;

Prisjećajući se da je Zakonom o osnivanju kompanije za prijenos električne energije u Bosni i Hercegovini propisano da *nakon osnivanja Elektroprijenos BiH, nijedna elektroenergetska niti druga kompanija neće imati ovlaštenje da se bavi prijenosom električne energije i djelatnostima vezanim za prijenos;*

Uz žaljenje što je mandat četiri člana Upravnog odbora istekao prije više od godinu dana kao i zbog činjenice da će mandat generalnog direktora Elektroprijenos BiH isteći 19. rujna 2009. i da do danas nisu učinjeni pokušaji upravnih organa kompanije da se pokrene postupak imenovanja na spomenute položaje;

Ističući načelo kontinuiteta funkcije prema kojem se mandat nosiocu funkcije nastavlja sve dok se na njegovo mjesto ne imenuje zamjena, osim ako drugačije nije predviđeno zakonom;

S obzirom da je u Zakonu o osnivanju kompanije za prijenos električne energije u Bosni i Hercegovini izričito sadržano prethodno navedeno načelo u pogledu članova Upravnog odbora tako što se navodi da bi svaki član Upravnog odbora trebao obavljati funkciju do isteka mandata na koji je imenovan, do imenovanja njegovog nasljednika ili do njegovog razrješenja, te da svi takvi članovi mogu nastupati u punom svojstvu i obavljati sve dužnosti definirane Zakonom do imenovanja novog člana Upravnog odbora;

S obzirom takoder da se Zakonom o osnivanju kompanije za prijenos električne energije u Bosni i Hercegovini ne regulira slučaj isteka mandata generalnog direktora Elektroprijenos BiH;

Sa zabrinutošću što, uprkos činjenici da ne postoji zakonska prepreka za Upravni odbor Elektroprijenos BiH da obavlja sve svoje dužnosti i da imenuje novog generalnog direktora sukladno Zakonu o osnivanju kompanije za prijenos električne energije u Bosni i Hercegovini, Upravni odbor s tim imenovanjem nije čak ni započeo;

Žaleći zbog činjenice da je visoki predstavnik prinuden da djeluje u ime lokalnih organa vlasti kako bi osigurao kontinuirano poslovanje Elektroprijenos BiH;

Uzimajući u obzir i razmotrivši sve navedeno, visoki predstavnik donosi slijedeću:

ODLUKU

KOJOM SE DONOSI ZAKON O IZMJENAMA I DOPUNAMA ZAKONA O OSNIVANJU KOMPANIJE ZA PRIJENOS ELEKTRIČNE ENERGIJE U BOSNI I HERCEGOVINI ("Službeni glasnik BiH", br. 35/04)

Ovaj Zakon stupa na snagu na privremenoj osnovi, sve dok ga Parlamentarna skupština Bosne i Hercegovine ne usvoji u istom obliku, bez izmjena i dopuna i bez dodatnih uvjeta.

Ova Odluka i Zakon koji slijedi i koji čini sastavni dio ove Odluke objavljuje se na službenoj internetskoj stranici Ureda visokog predstavnika i stupa na snagu narednog dana od dana objavljivanja. Ova Odluka se odmah objavljuje u "Službenom glasniku BiH".

Članovima Upravnog odbora ovim se nalaže da odmah započnu s imenovanjem novog generalnog direktora.

Broj 15/09
18. rujna 2009. godine
Sarajevo

Visoki predstavnik
Dr. Valentin Inzko, v. r.

ZAKON

O IZMJENAMA I DOPUNAMA ZAKONA O OSNIVANJU KOMPANIJE ZA PRIJENOS ELEKTRIČNE ENERGIJE U BOSNI I HERCEGOVINI ("Službeni glasnik BiH", br. 35/04)

Članak 1.

U članku 38. "Mandat generalnog direktora", dodaju se novi stavci 2., 3., i 4. koji glase:

(2) Izuzetno od odredbe stavka 1. ovog članka, generalni direktor će obnašati funkciju i vršiti sve svoje dužnosti kako je predviđeno ovim Zakonom do imenovanja njegovoga nasljednika, odnosno do njegovog razrješenja.

(3) Izvršni direktor nadležan za planiranje sustava i inženjeringu obavljat će sve dužnosti generalnog direktora do imenovanja novog generalnog direktora u slučaju da generalni direktor:

- a) podnese ostavku,
- b) bude razriješen dužnosti sukladno članku 32. ovog Zakona,
- c) bude odsutan bez opravdanih razloga u trajanju od pet dana uzastopno,
- d) ili bude na drugi način onemogućen.

(4) Svaki put po primitku obavijesti od člana uprave, Upravni odbor će žurno sazvati zasjedanje i prostom većinom odlučivati o tome jesu li ispunjeni uvjeti za primjenu stavka 3., točki c) i d), s tim da na zasjedanju Upravnog odbora moraju biti nazočna najmanje četiri člana.

Članak 2.

Ovaj Zakon se objavljuje na službenoj internetskoj stranici Ureda visokog predstavnika i stupa na snagu narednog dana od dana objavljivanja. Ovaj Zakon se odmah objavljuje u "Službenom glasniku BiH".

Korisiteći se ovlašteњima koja su visokom predstavniku data članom V Anексa 10 (Споразум о цивилном провођењу Мировног уговора) Општег оквирног споразума за мир у Босни и Херцеговини (у даљњем тексту: Општи оквирни споразум за мир), према којем је високи представник коначни ауторитет за тумачење наведеног Споразума о цивилној провођењу Мировног уговора, и чланом II 1. (д) претходno наведеног Споразuma, који од високог представника захтијева да олакша решавање било којих потешкоћа које се појаве у вези са цивилном проведбом Општег оквирног споразума за мир у Босни и Херцеговини;

Pozivajući се на став XI.2 Zakључака Конференције за провођење мира одржане у Бону 9. и 10. децембра 1997. године, у